

其交河城漢前王庭也元和志亦云交河東南至州八十里漢車師前王庭河出縣北天山分流域下所云州卽西州爲高昌王故都現據余所發現之墓磚在雅爾湖墳羣所發現者書交河在阿斯塔拉所發現者則書高昌可證此二城自古爲高昌及交河二城至唐猶相沿未改至唐之末業回鶻占領西州其名稱稍異然畏兀兒仍受遼封治交河余嘗於高昌交河故城中掘拾甚多之畏兀兒文殘紙皆足爲交河古城至元時尙有居民之證也至元末分設柳城火州吐魯番三部萬戶府達魯花赤而交河高昌二城遂廢今已禾麥離離頽垣滿野非復當日人文之盛矣

余於十七年二月間由吐魯番至庫車雖一度訪雅爾崖阿斯塔拉故址然未及詳細工作十九年春復由迪化南行補充前年工